

671.1207
084
110

志實事

金石

滄縣志

趙元禮題



酉

卷之十三

滄縣志卷之十三

事實志四

金石志序

古無所謂金石之學也自歐陽氏撰集古錄趙洪繼之而言金石者遂衆近世學者嗜之尤深蓋金石之文字語其大可以考證經史語其細可識先哲軼聞好古之士往往於荒寂榛莽之區得一銘一器珍惜之若拱璧固非徒愛博嗜奇爲也蘇子瞻石鼓詩云興亡百變物自閒人生安得如汝壽其旨深矣茲編金之屬始於後周石之屬始於北魏相沿迄近代俾留心文獻志有考焉

金石

鐵獅 在舊州城內開元寺前高一丈七尺長一丈六尺背負巨盆頭頂及項下各有獅子王字右項及牙邊皆有大周廣順三年鑄七字左脇有山東李雲造五字腹內牙內外字跡甚多然漫滅不全後有識者謂是金剛經文頭內有寶田郭寶玉字曾見搨本意係治者姓名字體爲古隸相傳周世宗北征契丹罰罪人鑄此以鎮州城

後有考據家辨云罰罪人之說不足信周世宗素不信佛獅旣在開元寺前且背負巨盆當即寺中物或李雲捐造

以壯寺觀者是說較近理又云背負之盆作蓮台形或原有佛像未可知然不可考或以東光縣之鐵菩薩像實之非是

清嘉慶八年三月大風

倒地口吻腹尾俱殘缺據郡人張岳幙滄雜記又有相傳康熙初年有怪風自東北來風過獅仆一說然其他所記較前爲詳光緒十九年署州事宮昱遣圻者扶起以磚石補其殘然已失

原狀矣

鐵驢 在舊州北門內百餘步地有古鐵凸出如覆釜然相傳

爲側臥驢形露者其腹未詳何時鑄

鄉人掘之亦無所見

鐵錢 在舊城開元寺北名鐵錢庫錢文皆宋崇寧大觀政和宣和年號惟歲久凝結爲一不可復分

永和銅鐘 道光十年州人葉濟英耕田得之鐘頂作太極圖周以八卦高六寸圍八寸有陽文八字曰永和十二年己巳造考古年號永和有五惟晉穆帝永和至十二年是丙辰非己巳

據阮氏款識丙午神鈎注云古人造銅器多用火日己巳或其日也

唐鐘 在州東六十里畢孟鎮吉祥寺有天寶元年仲春吉日

建造十字

金大安鐘 在州城南王寺 以上載舊志

聞遠樓大鐘 在城內州署東樓之上層高約七尺重約二千數百斤周有八卦名惜無鑄造年月

積善寺大鐘 在北城內西偏無鑄造年月寺今久廢惟一巨碑尙存文已全泐惟首行敕賜積善寺碑及末行大明宏治五年十餘字及碑額篆文敕賜積善禪寺碑記又碑陰二字尙模糊可辨

城隍廟銅神像 咸豐志載有明正德年間祠祀碑記高夔撰文碑今無

鐵磬

一在城隍廟祠內明嘉靖二十六年四月造

大可容二斗口徑不足二尺

一在北關外下堂廟明萬曆二十二年鑄

鐵鼎

城隍廟露臺前高約七尺清康熙十六年五月造

又城北水月寺有鐵鼎惟製較小年較近耳

資福禪林銅佛像

在城內西北隅大佛寺

坐像三侍者二西侍者不知何年殘毀後人以塑像

補之

又銅像一高二尺餘其法身不盈尺者各佛寺尙夥概不錄

水月寺銅菩薩像

觀音像一千手佛像一

在城北本寺

銅韋駝像

原在藥王廟高約三尺餘光緒庚子爲日本軍人

携去

鐵鐘

一在孟村吉祥寺高五尺圍九尺蹲龍旋上十六枚枚

各一字文曰皇圖永固帝道遐昌佛日增輝法輪常轉下八枚
一枚鑄寺僧法號鐘之重量鑄造年月謂鐘重二千斤大明嘉
靖三十一年鑄餘七枚記鑄獻信士姓名下有八足鑄八卦雲
文寺久傾圯鐘仍完好清光緒庚子回民築堡以禦拳匪懸鐘
以爲警號撞擊過猛其旋遂裂 一在聖佛寺相傳寺爲唐時
建現已傾圯遺鐵鐘二高七尺圍丈二重約千餘斤 一在姚
家莊流佛寺高六尺重千斤明隆慶年鑄 一在西順民屯木
佛閣殿前高六尺重千斤均鑄法輪常轉皇圖永固佛日增輝
帝道遐昌十六字 一在大浪泊莊傳爲明物 一在孫清屯
流佛寺明嘉靖二十九年四月鑄 一在王御史莊廟內明隆

慶三年鑄 一在孟家莊傳爲明代物 一在馬落坡娘娘廟
清康熙四十五年鑄

白銅圓鏡 重十五斤圓徑二尺有題味詞曰清清詩韻琴聲
金華露玉壺冰清風水面皓月天心芝蘭爲契合松柏是同盟
存董蘊山家

坐像銅觀音 存東城天齊廟又有牙雕大士像一尊高尺餘
爲人竊去

藥王廟鐵鑪 其器有三今其一移至大佛寺其二仍存故處
督元帥府之印 光緒壬午春舊州農人掘地得覆仰藝孟二
中藏古印一方三寸厚六分柄長二寸重四十八兩背無編號

此六字其篆文也得者以爲金碎而分之知州趙秉恆聞知遣役走取并逮其人至則已破怒笞之收殘印存州庫

州人蘭維烜按鄒元帥之名蓋

助於金元唐宋雖有其名皆冠以兵馬二字或自稱督元帥無稱府者惟宋張林加一府字且林領滄景濱棣等州與此印文頗合考蒙古之給印在理宗嘉熙元年林之降元在寧宗十四年其時元太祖未稱制改元官府猶自爲印信故印無編號也又二十一年林爲李全所執此印埋沒當在此時矣

都提控所之印 民國十九年冬州東南何官屯農民掘得古

印一枚方二寸六分重一斤十四兩六字疊篆其文如此今存

公署內初見墨搨文字畫不甚可辨後郡人劉紳據山東益都

縣金石志考證得之惟都控所三字篆畫多訛錯且其文七八

九疊不等蓋鑄工不識文字之誤也案益都志所載印圖有義

軍提控之印方二寸九疊篆文制極工整記者引宋史兵志蠻

夷歸化者分隸邊砦謂之義軍之文又以印型重大定爲宋物恐難徵信提控二字見金元百官志况金有義軍之制宋無提控之名據此當與今印皆爲金物無疑形製之重大金元皆然也又據金修東嶽行宮記碑後列名有武節將軍益都縣尉提控楊某與信武將軍益都縣令都提控馮亨尤爲確證至印文之所字與印圖摹刻金支納所印之所字篆畫極相似惟轉折連斷微異耳故釋爲所字當無疑義考提控本非武職入元代改曰提領酒稅醋務獸醫石匠皆有稱都提領者其無足輕重可知矣

以上金之屬

北魏

兗州刺史刁公墓誌銘 北魏熙平二年

刁公諱遵字奉國渤海饒安人考阮文達山左金石志云刁遵墓誌歸南皮高氏全文載南皮縣志何時出土久已無考後淪棄於南皮夜珠高家莊土神祠中莊在饒安故城西南八里去其葬處甚近乾隆中樂陵石孝廉維新識之語諸高氏復昇置於家而石之右角已缺矣樂邑劉克綸跋題數行高氏刻木版以補之咸豐四年高珮售於州人葉廉訪圭書後於光緒初又爲南皮張氏所得今轉入張文達相國家亟珍之而劉跋亦殘矣石高二尺四寸廣二尺一寸厚不及四寸正書共二十八行行三十三字

高祖協立亮晉侍中書尚書左僕射尚書令金紫左光祿大夫尉義陽成公『射字以下今闕』夫人彭城曹氏父義晉梁國內史繼夫人河東氏父軹左將軍廷尉卿『內字以下今闕』曾祖彝太倫晉侍中徐州牧司空義陽文公夫人高平徐氏父敏平北將軍兗州刺史『文字以下今闕』祖暢仲遠晉中書令金紫左光祿大夫建平公夫人南陽劉氏『公字以下今闕』父雍淑和皇魏侍持節侍中都督揚豫兗徐四州諸軍事征南大將軍開府儀同三司『諸字以下今闕』徐豫冀三州刺史東安簡公夫人琅邪王氏父胤晉甯朔將軍濟陰太守『父字以下今闕』公諱遵字奉國渤海饒安人也姓氏之興祿于帝圖中葉之美彪炳皇紀高曾以齊聖『之字以下今闕』廣淵謨明有晉祖父以忠肅恭懿聯輝建侯所見者世往傳聞者在今斯已書於立身信諸播於弱冠不『身字以下今闕』以小節而求名無虛譽以眩世少之德忠孝本於立身信諸播於弱冠不『身字以下今闕』以中書監司空文能 and 俗于人無際但昂然愕然者有不同於物矣時『有字以下今闕』侍中中書監司空文公高允皇代之儒宗見而異之便以女妻焉太和中襲爵東安公『襲字以下今闕』尋拜魏

郡太守寬明臨下而德洽於民正始中徵爲太尉高陽王諮議參軍事王以公『王字以下今闕』有古人之風器而禮焉俄而轉大司農少卿均節九賦以豐邦用蒞事未基遷使持節『持節二字今闕』都督洛州諸軍事龍驤將軍洛州刺史公之立政惠流兩疆平陽慕化辟地二百方一江污成功告老上天不弔忽焉降疾熙平元年秋七月廿六日春秋七十有六薨于位朝廷痛悼百僚追惜贈使持節都督兗州諸軍事平東將軍兗州刺史侯如故加諡曰惠禮也惟公爲子也孝爲父也慈在臣也忠居蕃也治兄弟穆常棣之親朋友著必然之信尊賢容衆博施無窮載仁抱義行藏罔滯溫恭好善桑榆彌篤小子整等泣徂年之箭駿痛鵠莖之告祥奉靈輜而號慟遷神柩于故鄉以一年歲次丁酉冬十月己丑朔九日丁酉窆于饒安城之西南孝義里皇考儀同簡公神塋之左松門永闕深局長鍵庶鐫石于下壤仰誌惠于幽泉其辭曰攸攸縣胄帝傷之亂驛代貞賢自唐暨晉明哲迭興忠能繼儔在洛雲居徂楊岳鎮氛鯨興虐金歷道亡於昭我祖違難來翔位班鼎列朝望斯光顯顯懿考奉構腰墳依仁挺信據德標明紐龜出守入讚台衡忠肅千里道懸槐庭清風遙被徽音遠盈曰登農貳播稼是司巍巍高廩禮教將怡邊城侯捍戎氓仁治秉旄肅命董牧宣威方叔克莊燕夷遐齡庶乘和其必壽泣信順而徂頤攀號兮罔訴摧裂兮崩聲銘遺德兮心目藥刊泉石兮壘深局夫人同郡高氏父允侍中中書監

司空咸陽文公

長兄碑陰纂奉宗早亡妻河內司馬氏父楚之魏使持節侍中鎮西大『闕將軍二字』啟府儀同三司楊州刺史琅邪『闕郡王二字』第三弟紹奉『闕世字』饒安易二縣令妻河內司馬氏『闕三字』檜『下闕』第四弟獻奉『闕五字』奉下是章字『東州令妻燕郡』闕六字『書丞』第五弟融『闕奉業汝陰太五字』守妻同郡『闕五字』一二是高氏二字

『侍中中書監司』下闕 第六弟肅奉誠『闕中書』二字 侍郎早亡妻『闕十字』令
貝『闕五字』子『下闕』 第七弟『下闕』 世子『闕四字』上三字是楷景伯『舉秀子
早亡妻』闕三字』氏父穎『闕一字』宋散騎侍郎 第二『闕子尙景三字』勝本州『闕三字
上二字是治口』事『下闕另行第一字是妻字』氏父堤『闕三字』侍中『闕一字』大將『闕
九字第一是軍字』王 第三子勣『闕十字首二字是景智末是散字』騎常侍右『下闕首
三字是軍將軍』妻同郡高『闕七字首是氏字』叅軍清河『闕八字』文公『闕第字』四子
振『闕九字』將『下闕』 『闕七字』同郡李『下闕首是氏字』 『闕第五子二字』宣李達『
闕九字』郎太尉『闕三字』軍『闕伏字』波『闕將軍二字』謁督僕射中散大夫『闕二字』
第五『闕融字』汝陰太守妻河南『闕五字首二字是元氏字』侍中『下闕』
司徒中『下闕』 第六子隆景『下闕』 第七子『下闕』 第八子『下闕』

范國仁彌勒像座題名 西魏普泰二年造

范國仁南皮人官青州渤海太守題共五行前

三行十五字第四行十六字末半行八字座正上列十五名比丘五餘俱范姓下列十
七名范姓並像主十五異姓二 又座側上列銜名五人下列十人俱范姓異姓八石
高五尺寬一尺二寸在州南六撥莊清嘉慶元
年僧洪霞掘土得之像失座存置本莊三義廟

大魏普泰二年歲次壬子四月甲子朔三日丙寅定州趙郡平力縣國封南皮范國仁敬造彌
勒尊像一軀上爲皇帝陛下州郡全長七世父母不及來生眷屬善友知識同斯福慶

比丘道遷 比丘道勇 比丘惠曇 比丘道籌 比丘惠宣 法達 命過范相 命過范辟
毒 命過范朗 命過范忠 命過范伯夷 命過范世榮 命過范叔齊 命過范文慶

命過范陽仁 命過范高『以上第一列』像主范國仁 范助 范僧廣 范頭 范文英
范寶奴 范道恒 范懷副 范六王 范鳥 范和 范法和 范蓋世 范市顯 范
惠安 命過劉王仁 命
過王玉綬『以上第二列』

又座側題名

譙郡太守范廳 青州渤海太守范國仁 高陽縣令范遷 都督范業『以上左側第一列』
奚酒范孟生『一人二列』 范僧廣 劉跃 范文英 范華 范晏 范男生 范乱跃
張資 張資妙 范之 范恩 范貳 命過劉簪華 命過王万
命過劉暈『以上第三列』 張貳之 張門生『一人爲一列』

滄州刺史王僧墓誌銘 東魏天平三年

如之厚三寸弱蓋作覆斗式刊此九字誌文正書二十三行行二十五字無撰書人姓名
清道光二十二年州南王寺鎮人張振廷耕田得之咸豐二年知州沈如潮爲立碑
表其墓

維大觀天平三年歲次丙寅二月壬申朔十三日甲申故龍驤將軍諫議大夫贈假節滄州諸軍事征虜將軍滄州刺史王僧墓誌

君姓王諱僧字子慎滄州浮陽饒安人也其先蔚炳弗復重祥顯祖有功漢室蒨苻東夏偁国
家焉曾祖囡以大魏太常年中除建威將軍北平太守祖清少履庠門以清真自處洪鑒雅粹

不以世事經懷故刺史張儒辟爲茂才昂然不拜父願以眞君年中黃舉討桀功天府除平遠將軍步兵校尉在政未久功名顯著不幸如平贈東平郡君洪源淵溷眇若嵩峯棄箕瓊根湛如滄海故童年志學聲播稚齒遊心八素必以禮義爲任汪汪焉弗可量也以正始年中除盪寇將軍殿中將軍後以清顯之任實歸才令唐弢之功良須懿望神龜年中冀土不賓民懷叛扈命將出師掃除逋穢以君才優器秀召爲都督辭不獲命遂乃擁麾東指羣兇奔竟埒鼓始交賊徒冰潰正光中除清州高陽令未及下車而芳風亟聞不俟晷月而民知且格雖魯恭之在中牟密子之治善甫無以過也俄遷白水太守招慰酋渠令塞外無塵撫孤矜音廓清漢右後除龍驤將軍諫議大夫宜保頤年享茲遐授豈圖不弔奄權良木春秋五十八天平二年三月十日薨于平陽窆于饒安贈假節督滄州諸軍事征虜將軍滄州刺史于是閭里戀景行之潛徽悲露蹤而思結乃作銘曰邇緒蟬聰遠奚『字未詳』綿萋奕葉載德踵世傳芳惟君綺曰蘊寶懷璋年始強仕朗秀垂芳而彼蘭桂載馥馥載香比之秋月影嶠哈光拔之冬日暉景修長春風始的奄權巖霜迴翔鳳穿翻飛下國祝民軌義咸班禮則雲柯諾彩頌聲由勒景行孤存魂兮潛默彫蘭折玉權賢墜德翠木霜枝哲人維剋白楊初殖松栢始生幽鈎永閉閨室未更黃泉多晦蒿里不明曉夜未英路斷人行

開元寺造像題字

武定八年 在三撥莊葉氏家

武定八年五月廿三日饒安縣人刁靈虎『闕』造觀音像一軀願
上『闕』常『闕』佛聞法安樂之家『闕』吳氏女妃 小女广

隋

齊故束周縣令李明府墓誌銘

李公諱盛字雙顯景州魯城人卒於隋開皇十四年石長一尺五寸寬一尺五寸厚四寸

蓋有花紋民國十年出土乾

符莊今藏州人陳昌桓家

君諱盛字雙顯景州魯城人也杜史將邁紫氣麗於高天將軍出征清泉涌於厚地自斯以降世有哲人或道著丘園或才佐廊廟皆名書於竹帛功誌盤盂祖婆羅州主薄望顯邦家父醜南安郡守治平天下君稟性聰敏器度淵廣故能矜氣特立風頰夙成朝學夕講懷郭亮之少聰應聲對口有張儼之幼捷其事父母也則愛敬成名其交友朋也則信義稱誠宗門才子鄉邑善人齊武定四年羸州刺史劉凝襄帷訪善乃辟君爲西曹書佐於是訪謀治典諮詢禮容君雅閑寬猛尤見器重乃令君行束周縣令事在任二周民風一改雖子游之處武城弦歌易俗不齊之居單父仁及螺蟲擬於其人莫相尙也春秋六十七以大隋開皇十四年卒於里舍其十八年十月十二日與夫人劉氏合葬於魯城縣西南四里恐陵谷貿遷輝猷遂盡乃爲銘曰丹桂有藂鵷鷺爲羣克昌上世繁衍後昆入秦卿相出塞將軍縱橫畫計宕軼風雲伊人挺生秀異含貞珠明玉潤松操蘭馨天生講論特達文情飛騰實流譽馳名維良作牧曠職求賢芳猷既抱辟書降田應時蠶麤濟滅享鮮生榮死哀照後光前世塗舌促人生幾何藏舟已去隙駟來過朝墳烟密夜樹風多一離闔郛永宅丘阿

邑人劉孝廉樹鑫詠李明府墓誌古詩云李雙顯誌識者誰魯城西南偶得之『誌云葬魯城縣西南四里按其城隋曰魯城唐曰乾符在今滄城東』文章尙沿六朝體其人齊代書則隋毫端微含八分意歐褚已啟唐風規吾滄舊有龍驤誌此書筆格堪相追『北魏龍驤將軍王僧墓在余邨南四五里其誌現歸南皮張氏』溯自辛酉初出

世野人視之等組礪後來寶者袁與陳陳君尤爲賞奇異『辛酉春王化莊農人耕於故魯城之野得此送齊家務袁氏桐侯見而愛之載與俱歸』風塵青眼忽相逢後車特載几案置譬諸龍劍出豐城一旦拂拭知利器我也摩挲在堂前爲辨字體稽歲年當日書丹亦草草那知千載逢奇緣『讀其文頗有脫字似不經意之筆』聲價須因知已重太息此石且猶然呼嗟乎此石且猶然

滄州刺史令狐熙頌德碑

舊志未載畿輔通志有之錄以備考

公諱熙字長熙文帝朝拜滄州刺史數年風教大洽稱爲良二千石開皇四年朝於洛陽吏人恐其遷悲泣於道及還百姓出境迎謁歡聲盈路八年徙爲河北行臺度支尚書吏人追思相與立碑

頌德『北史本傳』

文節先生劉炫碑

大業四年立

先生後周人居滄傳經史後學者爲之立碑『太平實字記』

唐

彌陀像座題字

總章元年

在州人劉子銓家

總章元年九月壬午朔八日己丑

嚴依仁墓志銘

石高八寸七分寬八寸五分十二行行十五至十六七字不等字徑五六分有直格蓋作覆斗形高四寸寬三寸八分四行行九字字徑